

სამოქალაქო მრჩეველთა საბჭო

ქ. ახმეტა

2017 წლის 16 თებერვალი

სხდომის ოქმი N1

სხდომას ესწრება 6 წევრი: ირაკლი არაბული, მერაბ უძილაური, ავთანდილ თურქიაშვილი, იზა ალბუთაშვილი, დალი გამხვეტელაშვილი, ზურაბ ბაბულაძე. სხდომაზე არ გამოცხადდა საბჭოს 5 წევრი. სხდომას სათათბირო ხმის უფლებით ესწრება ახმეტის მუნიციპალიტეტის გამგებელი ბექა ბაიდაური.

კომისიის მდივანმა მ. უძილაურმა წარმოადგინა სარეგისტრაციო ფურცელი და მოახსენა, რომ საბჭოს 11 წევრიდან სხდომას ესწრება 6 წევრი, რაც „სამოქალაქო მრჩეველთა საბჭო“-ს დებულების მე-14 მუხლის მე-4 პუნქტის შესაბამისად, საბჭოს აძლევს უფლებას შეუდგეს დღის წესრიგით გათვალისწინებული საკითხების განხილვას.

დღის წესრიგი:

1. ახმეტის მუნიციპალიტეტის მოსახლეობის სოციალური დახმარების 2017 წლის პროგრამის და მისი ბიუჯეტის განხილვა.
2. მიმდინარე საკითხები.

მოისმინა --დღის წესრიგის **პირველ საკითხთან** დაკავშირებით ახმეტის მუნიციპალიტეტის გამგებელის ბექა ბაიდაურის მოხსენება, რომელმაც ვრცვლად ისაუბრა სოციალური პროგრამის პრიორიტეტებზე და სიახლეებზე. მან დასაწყისში მოკლედ მიმოიხილა ახმეტის მუნიციპალიტეტის მოსახლეობის სოციალური დახმარების 2017 წლის პროგრამის და მისი ბიუჯეტის მირითადი საკითხები, განმარტა, რომ შარშანდელთან შედარებით სოციალური პროგრამა მნიშვნელოვნადაა გაუმჯობესებული, კერძოდ, პროგრამის ბიუჯეტი 161 ათასი ლარითაა გაზრდილი რაც მუნიციპალიტეტს საშუალებას აძლევს ბენეფიციართა უფრო მეტი რაოდენობა დააკმაყოფილოს, გაზრდილია რიგი პროგრამების დაფინანსება. 2017 წლის ბიუჯეტი 498.500 ლარითაა განსაზღვრული. თანხა გადანაწილდა პრიორიტეტების მიხედვით-- რომლებზეც სტატისტიკურად უფრო მეტი საჭიროება დადგინდა განცხადებების ოდენობისა და სამიზნე ჯგუფების გათვალისწინებით. მნიშვნელოვანა ისიც, რომ წელს აღნიშნული პროგრამით კვლავ გრძელდება მუნიციპალიტეტის იმ მოსახლეობის დახმარება, რომლებიც ჯანმრთელობის თუ ეკონომიკური მდგომარეობის გამო საჭიროებენ დახმარებას. მრავალშვილიანი ოჯახების დაფინანსების წესში შევიდა ცვლილება, რომლითაც განისაზღვრა, რომ პროგრამის მოქმედება არ გავრცელდება მაღალმთან დასახლებაში მცხოვრებ მრავალშვილიან ოჯახებზე--მიზნობრივი სახელმწიფო პროგრამის ბენეფიციარებზე,

რომელთაც აღნიშნული პროგრამის შესაბამისად ეძლევათ ფულადი დახმარება. ახალშობილთა ოჯახების დახმარების სამიზნე ჯგუფი დაკონკრეტდა ზემოაღნიშნული სახელმწიფო პროგრამის გათვალისწინებით. ეკონომიკურად გაჭირვებული და სოციალურად დაუცველი მოქალაქეების მკურნალობისას მოქალაქის მიერ გადასახდელი თანხის დაფინანსების ზღვარი 500 ლარიდან შემცირდა 300 ლარამდე. ომის ვეტერანთა სადღესასწაულო დახმარება გაიზარდა და გახდა 250 ლარი. უპატრონო მიცვალებულის დაკრძალვის ხარჯი გაიზარდა 250 ლარამდე, ხოლო თუშეთში მუდმივად და სეზონურად მცხოვრებთათვის მედიკამნტების დაფინანსება გაიზარდა 3000 ლარამდე. რაც შეეხება უფასო კვების ობიექტს, მისი დაფინანსება გაიზარდა 136 000 ლარამდე. უსინათლოთა ერთჯერადი დახმარება გაიზარდა და გახდა 150 ლარი.

„მოხარული ვარ მოგახსენოთ, რომ 2017 წლის სოციალური დახმარების პროგრამაში ასახვა ჰქონდა სოციალური რეაბილიტაციის და ბავშვზე ზრუნვის სახელმწიფო პროგრამამ, რომლის გათვალისწინებით ბავშვთა სახლში, მცირე საოჯახო ტიპის სახლში და მინდობით აღზრდაში მყოფი ბავშვების ბიოლოგიურ ოჯახში დაბრუნების ხელშეწყობის მიზნით მუნიციპალიტეტი ოჯახს ერთჯერადად დახმარება 500 ლარით. სახალხო დამცველის რეკომენდაციის გათვალისწინებით წლევანდელი პროგრამისთვის ასევე სიახლეს წარმოადგენს დაუნის სინდრომის მქონე პირთა ერთჯერადი დახმარება 150 ლარის ოდენობით. დახმარების გაცემა მოხდება დაუნის სინდრომის საერთაშორისო დღისათვის“--განაცხადა ბ. ბაიდაურმა

აზრი გამოთქვა--დ. გამხვეტელაშვილმა, რომელმაც სურვილი გამოთქვა მოსახლეობის უფრო ფართო წრე მოიცვას სოციალურმა პროგრამამ.

ა. თურქიაშვილის შეკითხვაზე ბ. ბაიდაურმა განმარტა, რომ სოციალური პროგრამის შესახებ მოსახლეობის ინფორმირება ხდება საინფორმაციო საშუალების და გამგებლის წარმომადგენლების მეშვეობით და კარგი იქნება თუ საბჭოს წევრებიც გააქტიურდებიან ამ მხრივ.

დღის წესრიგით გათვალისწინებული საკითხის ამოწურვის შემდეგ საბჭომ მოისმინა ბ. ბაიდაურის ინფორმაცია ილტოს ხეობაში მეცხოველეობის კოოპერატივის ჩამოყალიბების პერსპექტივაზე.

სხდომა დაიხურა.

ოქმი შევადგინე:



მ. უძილაური